

5. Pour lor, él vil éd Jéruzalinm, pi tou l' Judè, é pi tou ch' pouéyi dé zz' environ dé ch' Jordan vnouètt a li;

6. E dizan leu péché, iz étouètté batizié par li din l' Jordan.

7. Mé vouéyan ék dé farizyin é pi dé Saduséhin vnouètt a sin batinm, i leuz ô di: Rach éd vipér, ky' èch ki vòz ô aprin a vô seuvé dé l' kôlér ki doué kyèr édsu vou?

8. Bzé donk pénitins konm i feu;

9. é pi n'krouéyé pouin dir in vou minm: ôz avon Abranhanm pour pèr; kar éj vô déklar ék Diu pe fouèr nèt éd ché kayeu lô minm édz éfan a Abranhanm.

10. Kar èl kugni al é déjô a l' rachingn éd chéz ab; chl' ab don ki n'ôrô pouin d'bouin frui srô kopè pi chtè din ch'fu.

11. Mi, j'vô batiz din lieu, pour vô porté al pénitins; mé chti lô ki doué vnir apré mi, il é pu for ék mi, é jé n' su pouin dingn éd keuché sé seuyé; ch'é li ki vô batizrô din l' Sint-Espri é din ch' fu.

12. Il ô sin van din s' man, é i nétirô a fon sn' èr, é pi il amasrô sin blè din ch' grigné, mé i brulrô ch' feur din in fu ki né s' détindrô janmoué.

13. Pour lor Jézu é vnu dé Galilè a ch' Jordan trouvouèr Jan pour èt batiziè par li.

14. Mé Jan s' in défindoué in dizan: Ch' é mi ké j' doué èt batizié par vou, é ô vné a mi!